



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, , den 19/08/2020

Här President,

Sou wéi den Artikel 84 vun eisem Chambersreglement et virgesäit, biede mir Iech, dës dringend parlamentaresch Fro un d'Ministère fir Aussenugeleeënheeten an Europa & Verdedegung weiderzeleeden.

Am Mali koum et hënt zu engem Putsch vun der Arméi, woubäi de Präsidant vun der aktueller malescher Regierung zeréckgetrueden ass. D'Putschisten haten ugekënnegt Neiwalen ofzehalen an di bestoend international Traitéen ze respektéieren. Zënter 2015 ass och d'EU militäresch am Mali aktiv, fir d'bannenzeg Sécherheet am Mali ze ënnerstëtzen an d'Sécherheitsu-reforme vun der malescher Regierung ze ënnerstëtzen. An der sougenannter *Mission Civile EUCAP Sahel Mali* huelen och zwee Lëtzebuerger Zaldoten deel, déi potenziell tëscht Fronte kéinte geroden.

An deem Zesammenhang wéilte mir de Ministeren dës Froe stellen:

1. Huet sech d'Risikolag fir eis Zaldoten am Mali ënnert der d'EUCAP Sahel Missioun verännert?
2. Plangt d'Regierung fir eis Zaldoten ze rapatriéieren oder op der Plaz ze loossen? Falls d'Zaldote sollten am Mali bleiwen, wéi eng zousätzlech Sécherheitsu-moosname gi getraff?
3. Huet de Minister Kenntniss dovunner wien am Moment am Mali d'Kontroll ausübt?
4. Wéi ass d'Positioun vu Lëtzebuerg par Rapport zum presuméierte Putsch-Versuch am Mali?



www.piraten.lu

Mat déiwem Respekt,



GOERGEN Marc
Député

Mat déiwem Respekt,



CLEMENT Sven
Député

